

# JEZUŠEKU

## 1.

Vjutro odprem oči dičim ze se moči: Falen budi Jezuš Kristuš  
Zvona se glas čuje kaj sem nazveščuje: Falen budi Jezuš Kristuš  
On me v cirkvu zove de se sevdil poje: Falen budi Jezuš Kristuš  
Kakvo god je delo ja falim veselo: Falen budi Jezuš Kristuš  
Ne samo pri jelu neg pri sakom delu: Falen budi Jezuš Kristuš  
Vu zlu i vu boli srce moje moli: Falen budi Jezuš Kristuš  
Sa moč pekla znikne da jezik zavikne: Falen budi Jezuš Kristuš  
Adama si sini pevajte v nizini: Falen budi Jezuš Kristuš  
Speč duša skoznuje da vu snu zdihuje: Falen budi Jezuš Kristuš  
Duša sa još gori da se smrtjum bori: Falen budi Jezuš Kristuš  
Spevaj morje, nebo i se kaj je Negvo: Falen budi Jezuš Kristuš  
Povsud saki človek fali Boga navek: Falen budi Jezuš Kristuš

## 2.

1. Mi si Bogu falu dajmo pamet k Nemu zdignimo  
Svetu Mešu poslušajmo na Jezuš mislimo  
Ar spomen muke Negove prikaz Meše ove je.
3. Zdravo živo Bože Telo Krala večne svetlosti  
Prečudno je ovo delo Bože Tve mogućnosti  
Kruv se vidi Kruv neje gleč na mešnika svetu reč.
2. Sveta cirkva naša mati Evangelium nam drži  
Saki mora skrb imeti da ga verno obdrži  
Dragi Jezuš Kinč ov sveti naj nam odjeti.
4. Jaj nec Boži koji odjemleš teške sveta gre'ote  
Žuvke muke da prijemleš za nas vboge sirote  
Pomiluj nas dej nam mira s koga dobro se izvira.
5. Gre'e naše spoznavamu zločine nebrojene  
Zlož koje valujemo duša ma dostojna ni  
Kaj pod krovom tela svega Boga drži dragoga.

## 3.

Ovčica kam bludiš zakaj tak se trudiš?  
Zakaj ti pastira ostavlaš prez mira ovčica?  
Ovčica lublena zdajna ve zgublena  
Ja pastir iščem te i milo zovem te ovčica!  
Ah Jezuš moj pastir vekuvečni moj mir  
Ti si mir i žela zrok mojega vesel'a, moj pastir!  
Nu vezda Te čujem i k tebe šetujem  
Rane Tve su zadoblene za me, moj pastir  
Žednu te napajam milostjum vugajam  
Za 'ranu me Telo darujem ti celo ovčica.

4.

1. *Dičimu te križ presveti  
Trda postel Jezusa  
Svetleši nam budeš jenkrat  
Nek je zvezda Denica.*

2. *Pri žalosti i veselju  
Križ naj bude barjak nam  
Ki nas verno Bogu pela  
Prek sveta prehudoga.*

3. *Da vidimo Tvoju svetlost  
Da nam dojde smrtni čas  
Imajuči Božu milost  
Da nas zove Negov glas.*

*Pripjev:  
Vustima srcem dičimu Te  
Sveti Križu Jezusov.*

5.

1. *Naše odnemi greo'te primli v milošču sirote  
Dej nam vzeti s pune mere najmre Tvoje svete vere.*

2. *Z blagoslovom nadeli Jezuš Oca Sinek mili  
Tebi z Ocem Duvom dika spevana budi velika.*

6.

*Znam da mi je vmreti, ne znam kak i de  
De li pak po smrti ja prebival budem  
Do skončajna sveta telo vu grob ide  
A za dušu trepim kam pak ona prijde.  
Iz groba iz prava gore bu mi vstati  
Za najmenšu rescu račun mi je dati.  
Čakati mi bude pred semi narodi  
Se Bože stvorejne stane suprot meni.  
Zato milo k Tebe o moj Bože kričim  
Oprosti mi gre'e z srca Ti se molim.*

7.

*Prosim brati verne duše  
Veselo se denes držte  
Pri goščeju Božem stolu  
Pred Jezušom kralom našem  
Znajte ovo brati mili  
Kruv nam ov je trak sunčeni  
Koj vu temnoj sveti noči.  
Si na zemle prosimo te:  
Hrani, sveti, žejdu gasi  
Na ontaru Jajnec mili.*

8.

*Jezušek lubleni u dvanajstom letu  
Zdoma se otpravlja svemi roditeli  
Vu grad Jeruzalem tam vu cirkvu idu  
Kak z drugemi ludi v dom Boži vunijdu.*

9.

*Vu sakom vremenu ja vu svojem žitku  
Če pijem ali jem vu koterom mestu  
Stojim ali sedim ležim vu počinku  
Na misli mi reči: Gospon Tvoje jesu.*

10.

1. *Mi dičimo krščeniki Boga  
Ki je svoje verne spravil skupa  
Vu imenu Duva Presvetoga  
Kak poštuju dneva nedelnoga.*

3. *Navčete ju pobožno moliti  
Na kolene vu cirkve klečati  
Reč Božu i Mešu poslušati  
č-e po Cirkve sim tam zagledati.*

2. *Vu nedelu kak rano vstanete  
Za obrambu Bogu zafalete  
Družinicu vašu rezredete  
I na službu nu v cirkvu pošlete.*

4. *Če pak budeš tak svetil nedele  
Budeš imel blagoslov na zemle  
I vu svoje dečice veselje  
I vu nebo večno zveličejne.*

11.

*Svet svet i prevelik zmožni i jak Gospon Bog  
Bog naš Sabaoť (Zveličejna našeg zrok)  
Svet jesi Bog na nebu svet budi v ontaru  
Svet i vezda svet od veka budi Tebi dika.*

*O Jezuš moj Jezuš moj odkup je ov krv Tvoj  
I napitek krv rumena kakti slatkost meda.*

*Ka nam budi na radost i dušice krepost  
Da tem brže zveličejne dobi v nebu svoje.*

12.

*Komu sveče v čast goriju  
Naj vu srcu se goriju.*

13.

*Klajnamo Ti se živi Kruv jangelski  
Bog i človek skupa Kral zmožni nebeski.*

14.

*Jezuš Kristuš blagoslovi nas  
Vezda i na smrti čas  
Duše narani v nebu nastani.*

15.

*Dragi Jezuš da nam dojde smrtni čas  
Telo i Krv Tvoju dej nam vzet' on čas.*

16.

*Križ budi put moj da budem ja Tvoj  
I videl vu dike ja Tebe Bog moj.*

17.

*Po puteku po praheku  
Mi noseemo Jezušeka.*

18.

*Dej nam Bože sreču zdravje  
I na nebu rajsko slavje.*